



Eth primèr dia qu'anèc a cercar rovelhons damb sa pairin, Robèrt deuie auer sies ans. Era net abans, des nèrvis e dera emocion, auie dromit mèl lèu mau: soniaue tresaus amagats enes tutes des vops e enes taishoères o enes troncs tohuts des arbes gigants, a on hègen nins es chòts e es genetes; soniaue arbes retorçuts que pes nets prenien forma umana e damb es branques-braci agarrauen a toti es que gosauen hicar-se en bòsc, com auie vist en mèl d'un conde des qu'auie ena sua cramba. Guaires li n'auie explicat, sa pairin, d'istòries d'aqueri bòsqui!



Li venguien ara memòria era d'aquera garsa qu'a truca de panar-se tot aquerò que ludie auie arremassat un petit tresaur en sòn nin; o era d'aquera vop, astuta com ua mala causa, que cada setmana se trufau des gossets e des pagesi e panaue garies, pothi, lits e pintades, entath desespèr de totes es cases de pagés des entorns.





Mès sustot i auie ua istòria qu'encara li hège a vier era pèth de garia quan i pensaue: era d'aquera loba —quan per aqueri bòsqui encara i baishauen lops— que s'auie panat a un mainatjon dera sua cunhèra e se l'auie emportat entara sua tuta pr'amor que s'auien morit toti es sòns lobatons. E l'auie cuedat mesi e mesi, enquia qu'uns caçaires l'auien trapat quan, a grapes, seguie ara lobada, redusida ja sonque a tres bèsties: eth lop, era loba e un lop vielh qu'encara ère eth cap dera lobada. Li venguien tath cap es imatges des tres bèsties mòrtes e eth mainatge qu'abraçaue ara loba e non la volie deishar anar per mès qu'es caçaires lo'n volguessen separar. —Sòrt que ja hè un arramat d'ans que non i a lops pes bòsqui de per aciu —didec en votz baisheta e un shinhau shudat, Robèrt.



Damb eth supòrt deth Conselh Generau d'Aran



**Conselh Generau
d'Aran**

Títol originau en catalan: *Els tresors del bosc*

© deth tèxte: Pere Martí i Bertran, 2004

© dera arrevirada: Miriam Arjó Barés, 2024

Correccion: Departament de Lengua deth Conselh Generau d'Aran

© des ilustracions: Anna Mongay Monteso, 2004

© d'aguesta edicion: Pagès editors, S L, 2024

C/ Sant Salvador, 8 - 25005 Lleida (Espanya)
editorial@pageseditors.cat
www.pageseditors.cat

Prumèra edicion: març deth 2024

ISBN: 978-84-1303-534-5

DL: L 194-2024

Estampat en Arts Gràfiques Bobalà, S L

◀ estampat en **lhèida** ▶

Tota forma de reproduccion, despartiment, comunicacion publica o transformacion d'aguesta òbra sonque pòt èster hèta tamb era autorizacion des sòns titulars, exceptat des excepcions previstes pera lei. Adreçatz-vos tà CEDRO (Centre Espanhòu de Drets Reprografics, www.conlicencia.com) s'auetz de besonh fotocopiar o escanearizar quauque fragment d'aguesta òbra.